



**Sujet 2006: „Uns raucht dr Kopf...“**

Als Raucher hesch es hütte schwehr,  
überall isch Rachverbot es isch nit fair.  
Innere Bar, in dr Disco oder im Restaurant,  
Rauche isch verbote das isch allerhand.

Kasch wirklich niene mit ere Zigarette hogge,  
scho körsch vo däm näbe dra wider e Mogge.  
„Du schaadisch au mir!“ körsch ihn schimpfe,  
„Ich ka mi leider nit als Schutz vor dir lo impfe!“

Jetzt dörsch in öffentliche Gebäude keini meh paffe,  
s'Gsetz wird sich verschärfe, damit das jede duet raffe.  
So muess es halt si, damit keine e Passivraucher isch,  
mit däne neue Verbot macht me e ganz e klare Disch...

Mir Fratze wänn jetzt do nit z'fescht übertriibe,  
dörsch eifach zum rauche nit im Gebäude bliibe.  
So gohsh halt an die früschi Luft go rauche  
Denn hesch kei Erger und keine duet dumm fauche.

Mir wänn hüt niemerts zum Rauche verleite,  
aber für alli Raucher unser Mitleid verbreite.  
In eim do legge mir ins Fүү unseri Hand,  
uf unserem Waage wirtsch nie verbannt.

Bisch troztdäm uf unser Gsetz ganz muff?  
Denn gib doch s'Rauche ändgültig uff!  
So spaarsch e Hufte Schwyzer Frangge,  
d'Gsundheit wirtsch dir sicher au dangge.

Es raucht irgendwann kei einzige Tropf  
Denn raucht aber defür no unsere Kopf.

E schöni Fasnacht!

[www.escargots-fratze.ch](http://www.escargots-fratze.ch)